

ادبیات کمونیستیکورسی

هفته‌لق سیاسی ، ادبی ، علمی غزته‌در

جلد : ۳

سنه : ۲ ۲۲ رجب ۱۳۳۶ جمعه ایرتسی ۴ مایس ۱۹۱۸ نومرو ۳۵ — ۶۶

اجمال فکر

قطعه‌مز

ساعت کیجه یاریسته یاقلاشیوردی. هواده بوزولدی. واپورک بیوک سالوننده قادین، آرک رکص ایدیورلردی. توتون ایچیلن اوفق سالونه کیردم : یولجیلر قومارک آنکینلرنده. کتبخانه‌یه طالدم : پک راحت بریر. ایکی دقیقه تنفس ایتدکن صکره ، بتون کون ، کوکرته‌ده بنی تعجیز ایدن خورتلاق دیشلی ، سختیان دریلی ، قوجه قاری نامزدی ینه بنی یاقالاماسونمی ؟ — دوقتور ! دیه بکا چاددی .

[استطراد : بو قادین ، هررابطه‌لی آداهه دوقتور دیوردی . لکن بو عنوان نه قدرده اسراف ایدیلیور : حقوق ، الهیات ، طب ، علوم طبیعی و ریاضیه ، ادبیات دوقتورلری آز کلورمش کی باشمزه برده تجارت ، غزته‌جیلق ، خاخاملق دوقتورلغی چیقدی . هر زرده ایسه سپه کولاسیون ، شانتاز ، عوامفریبک ، فه‌مینیزم اطمیاسی ده حدوث ایده‌جک . طیب اولمایانک اسمنک باشنه (دوقتور) عنواتی یایشدیرمه‌سی خلی عادیلک دکلنی ؟ انتهای استطراد] — بن اقصای شرقه کیتدم . بن آفریقایه کیتدم . بن پاسیفیکده طولاشدم ... کی برقنطار تفاخر. دیرکن [سان سالودور] خرده‌بینی جمهوریتنک (شارژه دافهر) یدی ده کلوب بزه التحاق ایتدی. ها ، اسمنی اونوتدم : موسیو اسماعیل . مباحثه قیزیشدی . ترک اولدیغمی

سویلدم. قوجه قاری ملازمی : - ممکن دکل ! دیدی. - نصل ممکن دکل، خالص، مخلص
 ترکم. - سز عبده اصنامدن میسکز؟ سز آسیائیمیسکز؟ نیچون یوزوکز سیاه، یاخود صاری
 دکل، نهیه بزم دیلزی تکلم ایدیورسکز؟ نه دن سموکین کیورسکز وکوزلک طاقیورسکز؟
 فسبحان الله ! کیم علیهمزه بو پروپاغانداپی، بو ره قلامی یامش !

عجوز نامزدی لقلقه معجزانه سنده عناد ایدیوردی : سزده کچنلرده ره پوبلیق اعلان
 ایدلدی ؛ دکلکی ؟ - یوق، خانم، اوراسی ترکیه دکل، چین ! - ها، شیمدی آکلادم،
 سز اول مملکتدن سکز که اونک پای تختی هم اوروپاده در، هم آسیاده. - اوت ! - لطفاً
 بکا سویلر میسکز؟ انسان برکونده اوروپادن آسیایه کیده بیلیرمی؟ - های های ! - اوروپادن
 آسیا کوریلورمی ؟ مثلاً آسیانک شکل مخصوصنی، قیافتلرینی، باغودالرینی، باغوبابلرینی سز
 مملکتکز اولان استانبولدن، بر سینه ماده کورور کی مشاهده ایدیور میسکز؟ فضاه او طوره مدم،
 راحتسزلك بهانه سیله قاینه مه کتدم. یاربی ! علیهمزده نه غریب غریب فکرلر اشاعه
 ایدیلیور.... بوققره پی اونوتور کی اولمشدم. کچن کون ائیه جوار مطبوعاتی کچدی.
 اونلرده همان همان عینی نقراتی تکرار ایتیورلرمی؟ بر مطالعه : « ترکلر آسیائیدر. بناء علیه
 اوروپایه ربط امل ایتمه ملیدرلر. بونلر، بالذات، آسیائیلک ادعا ایدیورلر. اوحالده انظارلی
 غریبدن شرقه تحول ایتک اقتضا ایدر. »

بیلسه کز شوترس ملاحظه لر عزت نفسی نه قدر رنجیده ایتدی ! اوکیجه اویقومده
 قاچشدی. هپ بوزمین اوزرنده طولاشدم. بز، نه دن آسیائی اوله لم ؟ بیلیمورم. شوراسنی
 توطئه مقامنده سویلش اوله یم که آسیائی، متردی معناسنه کلیور. مفهوم حقیقی وجغرافی
 برطرف. لکن، مثلاً، آمریقانک کوبکنده بر شخص کندیسنی اوروپا مدنیتنه متمثل
 عد ایدر.

تورانی الاجداد مجار، بولغار، فین اوروپالینگی مدعیدر. هله مجار، تام بیک وبرقاج
 سنه دن بری [ترانس لهیتا] مملکتنده استیطان ایتدیکنی دعوا ایدیور. مصطفی جلال الدین
 پاشا زاده انور پاشا وسامح رفعت بکلرک صوک یازدقلری مقالات وفقراتدن توضیح ایدیور که
 مونغول بشقه در، ترک بشقه در. مونغول اولسه اولسه برملزدر. ترک ایسه عرق ابیضک
 اک متکامل نمونه لرندندر. مجار، بیک سنه دن بری مجارستانده قرار قیلدیغنی سویلیور.
 عثمانلی دولتی قوروله لی آلتیوز سنه پی کچدی. سلجوق دولتی، اوندن اول، عصرلرجه

ملك رومده حکمران اولدی. انور پاشانك وثائقه مستندادعاسنه - که برادعای علمیدر -
 نظراً ترك قبائلی بوسفوره ، ترا کیایه ، ما کدونیا یه یونانیلردن اول یرلشمشاردی . . .
 بوندن تقریباً ایکی سنه اول - اقدام - ایله منتشر امضالی بر مقاله مده (که بوه بالآخره
 « ملك روم » نام کتابچه مه ذیل ایدلمشدر) آناتولینك جغرافیا اعتباریله اوروپادن معدود
 اولدیغنی ایجه مقنع برهانلرله ایلری یه سورمشدم . بز بحر سفید خلقدنز . ملت عثمانیه ،
 تصالبات متنوعه و متسلسله نتیجه سی اوله رق بورالر خلقتك اصطفا سندن حاصل اولمش بر
 انموذج کلمتدر . بزم [مانچوریا] ، [مونغولیا] ، [تبت] ایله هیچ بر صورتده مناسبتمز
 یوقدر . هدفنز غربدر . عرفانمز ، صاغلام اساسات اسلامیه ، عربیه ، فارسیه اوزرینه ، شو
 صوك قرنلرده ، مالزمه غربیه ایله اعمال ایدلمشدر . تاریخمز اوروپا تاریخندن معدوددر .
 بر ترك [پکین] ده صودن چیقمش بالغه دوهر ، لکن بر اوروپا مرکزنده پک او قدر
 یادیر غاماز .

بر ترکی ، بر فرانسیزی ، بر یونانی یی ، بر چینلی یی ، بر قونغولی یی ، بر هندلی یی آنادن طوعمه
 صویوب اك نااهل انسانیات علماسنك نظرگاه تدقیقنه عرض ایدیکز ، هر حالده شوایلك
 اوچی آره سنده بارز فرقلره مصادف اولماز سکز .

تاریخمزده ، علی الا کثر ، اوروپا ایله ، بالقاندرله ، نمسه ایله ، وندیکله ، فرانسه ایله
 ایتالیان بنادری ایله مناسباتده بولمیشز . ایران ایله اولان مناسبتلرمز بر طرف ایدیلیرسه ،
 بز ، آسیا اقوامی ایله پک او قدر سنلی ، بنلی اولماشز .

بزم انظار عرفانمز اوروپایه ، غربیه ، استنبولدن اوته سنه معطوفدر . بز ماضیدن زیاده
 استقباله یاقینز . هند اوقیانوسلردن زیاده آق دکز بزم حسیات شاعرانه مزى اوقشار .
 دماغمزى تحلیل ایدمک اولور سهق ستون شرق قریب اقوامنك خصائصنى - بر فحوای
 جدایت - هپ بولورز .

کوپریلینك عزم و شدتی ، صوقولانك تدبیری ، بارباروسك دکز جیلکی ، منلا خسروك
 اخلاصی ، یازغلی ابراهیم پاشانك مشواری ، اوره بوسلرک چلیلکی ، خبره جینك هنری ،
 دها نیجه نیجه معروف ذواتك سجهلری فطرتمزده مند مجدر .

عثمانیلر ، اعلاى لوای اسلامیت ایتدکری وقت ن قدر افراد ذکیه یی جامعه مزى آلتنه
 طوپلامشلردی ؛ عادتمزک بر قسم اهمی ، بورا عاداتك استطاله سندن ، نائل هدایت اولمش
 اشکالندن عبارتدر . لسانمز نه رنکین وه آهنگ قریندر .

برده بوسجایا ایله ، بو خصوصیتلر ایله [قوقونور] دن اوتهده کی قبائلک شیم و قیمنی مقایسه ایدیکنز! یوق ، افندم ، اوبشقه برشیدر . بیک سنه بو طوپراقده طوغوب ئولک ، عجیبا ، بزه بو طوپراقده حیاته استحقاقبخش اولمازسه ، بونی بخش ایده جک نهدر ؟ بز بو طوپراقلرده طوغدق . حقوقز وطنی ، ملی ، عرقی ، تاریخی ، سیاسی ، عسکری و عرفانیدر . اتربه وطن ، اجدادمنك نعلرندن مر کبدر . طاپوی تصرفز هیچ بر ملتککندن دهاضیف دکلدرد . ایجابات سیاسیةنك املا ایتدیکی عهدوات کلیر ، کچر ، مرور زمانه اوغرامق شانندن اولیان حقوق باقی قالیر . نته کیم قوی الشکیمه و منیع الهیئه روسیه چارلغنك پامال ایتدیکی حقوق ملیه ، بوکون خسوفدن تخلص ایدیور . اجدادمنك آچدیغی ممالک بزمدرد . بزاوروپالی بز . منشأ عرقیمز بزم اوروپالیلق صفتمزه خلل کتیرمز ؛ نته کیم بومصدریت مجاره ، بولغاره فینه اوروپالیلغی غائب ایتدیرمه مشدر . شوراسی ده جای قیددرکه بوکون ممالک عثمانیه ده حکم ملتکدر . بر آدامک ، براقلیتک دکل . بوملت ایسه اوروپا ملتلرندندر . وکری کیتمک ایسته میور : مشرقدن چیقدی ، مغربه متوجه اولیور .

آنی مطبعه سی ۲۶ نیسان ۱۹۱۸

مهول نوری

قوم عربده قبل الاسلام و بعدالاسلام نسوان

[۶۴ نومرولی نسخه منهدن مابعد]

امامت و خلافت

طايفة نسانك حق امامت و خلافتدن محرومیتنك منشئی « کیف یفلح قوم یسندون امرهم الی امرأه » [۱] حدیث شریفیدر . بو حدیث شریف ملوک اکاسره دن پرویزک قیزی بورانك ایران تختنه جلوسنك مدینه منوره ده شایع اولسی اوزرینه لدان رسالتپناهیدن شرف صدور ایتمشدر . طايفة نسانك اداره مملکت وتدویر مهم امور حرب و سیاستده طاجره وقاصره اولملری جحقده بو حدیثه علت کوستریلیور .

معلوم اولدیغی اوزره اسلامیت ، امامت و خلافتک شرائط اساسیه سنی اک زیاده دین و عقلمده کی

[۱] زمام اداره حکومتلرینی برقادینك انه تسلیم ایدن بر قوم نصل فلاح و نجات بولور .